

ORDENANZA FISCAL Nº 28 REGULADORA DA TAXA POLA PRESTACIÓN DE SERVIZOS AOS VISITANTES A “COVA DO REI CINTOLO”

Artigo 1º Concepto, fundamento e natureza.

1. O Concello de Mondoñedo, en uso das atribucións establecidas nos arts. 133.2 e 142 da Constitución, 106 de la Lei 7/85 Reguladora das Bases de Réxime Local e de conformidade co disposto nos artigos 15.1 , 20.1 B) e 132.1, do Real Decreto Lexislativo 2/2004 de 5 de marzo polo que se aproba o Texto refundido da Lei Reguladora das Facendas Locais, establece a Taxa pola prestación de servizos aos visitantes das Covas do Rei Cintolo.

2. Os servizos que fundamentan a TAXA regulada en esta Ordenanza están constituídos pola realización de visitas guiadas que permitan coñecer e admirar os singulares recursos xeolóxicos e naturais existentes na Cova do Rei Cintolo, prestados con carácter exclusivo nesta provincia.

3. De conformidade co que determina o artigo 2.2 da Lei 39/88, esta taxa ten natureza de ingreso ou recurso de Dereito público, e para a súa cobranza o Concello ostenta as prerrogativas establecidas legalmente para a Facenda do Estado e actuará, no seu caso, conforme ós procedementos administrativos correspondentes.

Artigo 2º. Feito imponible.

Constitúe o feito imponible da taxa a visita ás Covas do Rei Cintolo, no calendario de apertura que se determine anualmente pola Xunta de Goberno Local do Concello de Mondoñedo.

Artigo 3º Obrigados e Responsables Tributarios

1. Son obrigados tributarios as persoas físicas ou xurídicas, e las entidades aos que a normativa tributaria impón o cumprimento das obrigas tributarias.

2. Terán a consideración de obrigados tributarios, os contribuíntes, substitutos dos contribuíntes, sucesores e demais establecidos no artigo 35.2 da Lei 58/2003 de 17 de decembro, Xeral Tributaria, así como as herdanzas xacentes, comunidades de bens e demais entidades, que carentes de personalidade xurídica, constitúan unha unidade económica ou patrimonio separado susceptible de imposición.

3. Son suxeitos pasivos en concepto de contribuíntes as persoas que visiten a Cova do Rei Cintolo.

4. Responderán solidaria e subsidiariamente das débedas tributarias, as persoas ou entidades ás que se refiren os artigos 42 e 43 da Lei Xeral Tributaria, respectivamente.

Artigo 4º Base Imponible.

1. Constitúe a Base Imponible desta Taxa, o custo real ou previsible do Servizo Obxecto do feito imponible. O importe da Taxa non poderá exceder, no seu conxunto, do citado custo.

2. Para a determinación de dito importe tomaranse en consideración os custos directos e indirectos, inclusive os de carácter financeiro, amortización do inmovilizado, e, no seu caso, os necesarios para garantir o mantemento e un desenvolvemento razoable do servizo polo que se esixe a taxa, todo elo con independencia do presuposto ou organismo que o satisfaga.

Artigo 5º Importe e cota tributaria

O importe da taxa á que se refire esta Ordenanza ven determinado polo custo do servizo, conforme ao correspondente estudio económico e ponderando a concorrencia de circunstancias de tipo social e cultural, sendo as cotas a satisfacer as seguintes:

SERVIZO PRESTADO IMPORTE TAXA

- Visita guiada ordinaria á galería central 20,00 €/persoa
- Visita guiada especial 40,00 €/persoa

Non se establecen mínimos económicos para levar a cabo a visita, nin grupo mínimo de persoas, pero facúltase á Xunta de Goberno Local a establecelos, cada ano, no momento de aprobar o calendario de visita para o ano en curso. En caso de non recollerse referencia expresa no mesmo, non haberá mínimo de persoas para levar a cabo visitas á Cova do Rei Cintolo en calquera das súas modalidades.

Así mesmo, corríxese coa presente norma fiscal os grupos mínimos establecidos na normativa en vigor, nos artigos 6 e 8, redactados en base á normativa fiscal previa a esta ordenanza.

No momento actual a norma en vigor é “Regulamento dos rexímenes de visitas guiadas á cova do Rei Cintolo (Mondoñedo, Lugo), Actividades deportivas xerais e actividades científicas ou de investigación” e está publicada no BOP de Lugo, núm. 273, do venres 27 de novembro de 2020.

Aos efectos dunha correcta xestión das visitas a efectuar nestas instalacións, inclúense as determinacións e definicións seguintes:

- As visitas realizaranse necesariamente con guía e en grupos organizados segundo a normativa vixente en cada momento. No momento actual a norma en vigor é “Regulamento dos rexímenes de visitas guiadas á cova do Rei Cintolo (Mondoñedo, Lugo), Actividades deportivas xerais e actividades científicas ou de investigación” e está publicada no BOP de Lugo, num. 273, do venres 27 de novembro de 2020.
- Así mesmo, corríxese coa presente norma fiscal os grupos mínimos establecidos na citada normativa nos artigos 6 e 8.

- Así, distínguense dous tipos de visitas:
 - Visitas guiadas ordinarias á galería central: Realizadas pola galería central da Cova e galería paralela, cun percorrido aproximado de 300 metros e cunha duración estimada dunha hora e quince minutos.
 - Visita guiada especial: Realizadas en salas inferiores á galería central da Cova cun percorrido aproximado de 2000 metros e cunha duración estimada de dúas horas e media.
- As visitas realizaranse con suxeición á periodicidade que, en función da demanda, se determine como necesaria en cada momento.

Adquisición de entradas e desprazamentos.

A realización de reservas e o rexistro e venda de entradas realizarase a través da Oficina Municipal de Turismo do Excmo. Concello de Mondoñedo.

Os desprazamentos ás inmediacións da Cova realizarase polos usuarios nos seus propios medios de transporte, sendo responsabilidade do Concello de Mondoñedo guiar o informar detalladamente aos grupos de visitantes para que podan chegar dente a oficina municipal de turismo, ou calquera outro punto de Mondoñedo, ata a entrada da mesma.

Entrada de Centros Educativos:

Será una visita ordinaria de recorrido curto á Galería Central, que se poderá conceder aos Centros Educativos previa solicitude ao Concello de Mondoñedo, con unha antelación mínima de dez días naturais.

A solicitude deberá cursarse en folla oficial co selo do centro educativo, de xeito que sexa lexible a autenticidade da petición.

Poderanse establecer dende a oficina de turismo do Concello os días e a horas prefixados para a entrada á cavidade destes grupos, en función das necesidades da demanda.

Esta entrada será exclusivamente para alumnos do Centro solicitante, que contén cunha idade mínima de once anos, debendo ser acompañados na visita por ao menos un responsable do centro educativo por grupo de alumnos que non excederá o número de 15, abonando o mesmo prezo que os alumnos.

Deberase presentar na oficina municipal de turismo a autorización oportuna cursada e concedida polo Concello de Mondoñedo, abonándose dunha soa vez e por un responsable, o total das entradas.

Materiais, seguridade e hixiene:

O Concello de Mondoñedo facilitará aos visitantes todo o material necesario para a realización das visitas nas debidas condicións de hixiene e seguridade. A tal efecto,

proporcionará aos usuarios, entre outros elementos, cascos homologados e guantes. En ningún caso se lles poderá esixir aos visitantes o pago de cantidade algunha polo uso destes materiais.

Os visitantes deberán empregar roupa cómoda e axeitada ás condicións climáticas interiores da cova. A tal efecto, deberán levar calzado adecuado, preferentemente antideslizante e con sola de goma, sen o cal non se lles permitirá o acceso á Cova.

O Concello de Mondoñedo estará obrigado, en todo caso, a manter vixente un seguro de responsabilidade civil que cubra calquera continxencia ou accidente que poida afectar aos usuarios durante a visita guiada á Cova así como á elaboración e mantemento dun plan de emerxencias axeitado.

Réxime de uso da Cova:

Os usuarios estarán obrigados, tanto por cuestión de seguridade individual como colectiva, ao estrito cumprimento das indicacións realizadas polo guía durante a realización da visita, especialmente no relativo aos itinerarios e seguir. A tal efecto, deberase manter, en todo caso, a unidade do grupo durante o desenrolo da visita guiada.

En todo caso manterase unha actitude de respecto cos valores naturais e xeolóxicos da Cova, estando prohibida calquera actuación que poida atentar directa ou indirectamente contra os mesmos.

Non se permite a introdución na Cova de elementos estraños á mesma que non sexan absolutamente imprescindibles para a realización das visitas guiadas, estando prohibido, en especial, a introdución de calquera tipo de comida ou bebida por parte dos usuarios.

Estas normas poderán ser revisadas e actualizadas, xustificadamente, en función das necesidades de funcionamento da Cova.

En todo o non explicitado aquí rexe a normativa en vigor en cada momento que, para o momento actual é o “Regulamento dos rexímenes de visitas guiadas á cova do Rei Cintolo (Mondoñedo, Lugo), Actividades deportivas xerais e actividades científicas ou de investigación” e está publicada no BOP de Lugo, num. 273, do venres 27 de novembro de 2020.

Artigo 6º Devengo e obriga de contribuír

1. Devéngase a taxa e nace a obriga de contribuír cando se inicie a prestación do servizo.
2. Cando por causas non imputables ao suxeito pasivo, o servizo obxecto do feito impoñible non se preste procederá a devolución correspondiante.

Artigo 7º Bonificacións.

Establécese unha bonificación da cota tributaria respecto das visitas organizadas de alumnos de centros educativos, nos termos establecidos no artigo anterior, quedando o importe en 9€ /persoa.

Artigo 8º Administración e cobro da taxa

1. A obriga de pago da taxa que se regula nesta ordenanza nace coa solicitude de entrada na Cova do Rei Cintolo, e materialízase coa obtención mediante o pago de entrada.
2. Cando unha persoa xurídica ou entidade solicite autorización para que u grupo poida visitar a Cova, deberá solicitar o depósito previo de todas as persoas que pretendan acceder á cova.
3. O pago de la taxa mediante entrada realizarase sempre en efectivo no momento previo á vista, ou mediante transferencia bancaria anticipada antes do uso do servizo, en número de conta que o Concello comunicará ao interesado no momento en que o solicite, non admitíndose outras formas de pago.

DISPOSICIÓN FINAL

A presente Ordenanza fiscal entrará en vigor unha vez fose aprobada definitivamente polo Pleno do Concello de Mondoñedo e publicada integramente no Boletín Oficial da Provincia.

Mondoñedo, 26 de decembro de 2023 – O Alcalde, Manuel Ángel Otero Legide

Dilixencia. – Para facer constar que a presente ordenanza foi modificada no Pleno da Corporación, en sesión ordinaria do 28 de setembro de 2023, (publicada aprobación inicial no B.O.P. de Lugo n.º263 de xoves, 16 de novembro de 2023), aprobada definitivamente e publicada no B.O.P. de Lugo n.º10 do venres, 12 de xaneiro de 2024.